Na osnovu člana 14. Zakona o javnim preduzećima Brčko distrikta BiH (,,Službeni glasnik Brčko distrikta BiH" broj: 15/06, 05/07, 19/07, 1/08, 24/08 i 17/16), člana 37. Statuta Javnog preduzeća "Putevi Brčko" d.o.o. Brčko distrikt BiH, te odredbama člana 31. Poslovnika o radu Upravnog odbora Javnog preduzeća "Putevi Brčko" d.o.o. Brčko distrikt BiH, Upravni odbor JP "Putevi Brčko" d.o.o. Brčko distrikt BiH , na 2. redovnoj sjednici održane dana 15.06.2017.godine, donosi slijedeću

ODLUKU<br>O IZMJENI I DOPUNI STATUTA JAVNOG PREDUZEĆA „PUTEVI BRČKO" D.O.O. BRČKO DISTRIKT BIH

## Član 1.

U Statutu Javnog preduzeća „Putevi Brčko" d.o.o. Brčko distrikt BiH broj predmeta: 01-UO-0045/16, od 21.07.2016. godine „Poglavlje VIII - ORGANIZACIJA PREDUZEĆA" mjenja se i glasi:

## „Poglavlje VIII - ORGANIZACIJA PREDUZEĆA

Sektori, Službe i Kabinet

## Član 30.

(1) Preduzeće je ekonomska i poslovna cjelina koja je osnovana u skladu sa Odlukom i zakonom.
(2) Preduzeće je organizovano u Sektore i Službe kao samostalne organizacione jedinice.
(3) U Preduzeću postoji Kabinet direktora, kao organ Preduzeća koji je sastavljen od potrebnog broja zaposlenika za efikasno funkcionisanje, a koji su zajedno sa službama direktno odgovorni direktoru Preduzeća.
(4) Unutrašnju organizaciju Preduzeća čini:
a) Upravni odbor;
b) Direktor Preduzeća;
c) Zamjenici direktora;
d) Kabinet direktora;
e) Sektori preduzeća:
f) Službe preduzeća:
(5) Sektori, Službe i Kabinet direktora su organizacione jedinice unutar Preduzeća koje nemaju svojstvo pravnog lica".

## Član 2.

U članu 43. stav 1 , tačka c se mjenja, i glasi:
„c) najmanje pet godina radnog iskustva na rukovodećim menadžerskim pozicijama za direktora i najmanje tri godine radnog iskustva za zamjenike direktora."

## Član 3.

Član 48. mjenja se i glasi:

## ,Član 48.

## Direktor Preduzeća ima sljedeće nadležnostii i dužnosti:

a) zastupa i predstavlja Preduzeće u unutrašnjem i spoljnotrgovinskom prometu;
b) organizuje rad i poslovanje Preduzeća i direktno je nadležan za kompletnu problematiku radnih odnosa, te rukovodi zaposlenima u Preduzeću;
c) daje prijedlog planova Preduzeća koje usvaja Upravni odbor;
d) predlaže godišnji i trogodišnji poslovni plan, gdje je godišnji poslovni plan dio trogodišnjeg poslovnog plana Preduzeća;
e) rukovodi pripremom akata iz nadležnosti Upravnog odbora;
f) izrađuje i donosi interne propise Preduzeća koji nisu u nadležnosti Upravnog odbora;
g) redovno izvještava Upravni odbor, Gradonačelnika i Skupštinu Brčko distrikta BiH o svim važnim pitanjima iz poslovanja preduzeća;
h) sprovodi odluke Upravnog odbora;
i) sprovodi odredbe Statuta;
j) nadgleda i učestvuje u realizaciji planova poslovanja;
k) izraduje i donosi interne propise koji su potrebni za sprovođenje postupka javnih nabavki i sprovođenje važećih zakona i propisa o postupku javnih nabavki;

1) učestvuje u pripremi prijedloga o raspodjeli dobiti ili pokriću gubitka;
m) predlaže razvojne i poslovne strategije i politike;
n) predlaže plan, investicije, program razvoja preduzeća i preduzima mjere za njihovo sprovođenje;
o) odgovara za zakonitost rada Preduzeća;
p) zaključuje ugovore u ime Preduzeća;
q) zapošljava i otpušta zaposlene u skladu sa postupcima utvrđenim pravilnicima i važećim zakonima;
r) implementira Etički kodeks u Preduzeću;
s) donosi pojedinačne akte kojima se odlučuje o pravima i obavezama zaposlenika Preduzeća;
t) direktno rukovodi radom službi preduzeća i kabineta direktora;
u) obavlja druge poslove iz svog djelokruga, u interesu Preduzeća, i vodi poslove iz svog djelokruga s pažnjom dobrog privrednika, u skladu sa zakonom, Statutom podzakonskim i internim aktima.
v) osigurava javnost rada preduzeća."

## Član 4.

Član 50. se mjenja i glasi:

## "Član 50.

(1) Direktor Preduzeća ima dva Zamjenika i to:
a) Zamjenik direktora za održavanje putne mreže u distriktu, koji je zadužen i odgovoran za:

- pitanja realizacije kapitalnih projekata (obilaznice oko grada Brčko),
- uspostavljanje, formiranje i rad vlastite operative preduzeća-mehanizacije za održavanje puteva:
- organizaciju čišćenja i održavanja svih puteva u distriktu koji spadaju u nadležnost Preduzeća u smislu zimskog i ljetnog održavanja,
- organizaciju čišćenja i održavanja svih parking prostora u zonama naplate u Distriktu;
- druge projekte izgradnje i rekonstrukcije puteva i putnih objekata,
- održavanje puteva, mostova i saobraćajne signalizacije,
- koordinaciju rada zaposlenih koji su angažovani na naprijed navedenim pitanjima,
- kao i druga pitanja i poslove po ovlaštenju i nalogu direktora.
b) Zamjenik direktora za finnansije, računovodstvo i ostale poslove, koji je zadužen i odgovoran za:
- finansijske, računovodstvene poslove,
- pitanja pravilnog izvještavanja, sigurnosti poreske politike i poreskih prijava,
- aktivno učestvuje i zajedno sa direktorom potpisuje sve akte iz domena javnih nabavki,
- pravilan i zakonit rad parking servisa kao i organizacione cjeline Preduzeća,
- predlaganje finansijskog plana i praćenje realizacije planova,
- finansijsko izvršenje ugovora,
- ažuriranje poslovnog plana,
- izdavanje dozvola i saglasnosti,
- učestvovanje u postupcima javnih nabavki,
- obavljanje i drugih poslova po ovlaštenju i nalogu direktora.
(2) Zamjenici direktora pomažu direktoru u vršenju njegovih dužnosti i zamjenjuju ga u slučajevima odsutnosti ili spriječenosti, zaduženi su i odgovorni za rad Sektora u Preduzeću.
(3) U slučaju odsutnosti ili spriječenosti direktora mjenja ga zamjenik direktora koga direktor odredi.
(4) Zamjenici direktora imaju sva prava dužnosti i odgovornosti direktora kada ga zamjenjuju.
(5) Odredbe koje se odnose na procedure razrješenja direktora analogno se primjenjuju i na zamjenike direktora Preduzeća."


## Član 5.

U članu 65. Stav 1, i 2., se mjenjaju i glase:
„1) Direktor Preduzeća u skladu sa zakonom i koristeći se dobrom poslovnom praksom planira razvoj preduzeća pripremom:
a) godišnjeg poslovnog plana,
b) revidiranog/ažuriranog poslovnog plana,
c) trogodišnjeg poslovnog plana koji se kontinuirano ažurira i
d) dugoročnih planova Preduzeća.
2) Za poslovni plan iz stava 1). tačka a) ovog člana, shodno Zakonu o javnim preduzećima Brčko distrikta BiH je potrebna saglasnost osnivača, dok je donošenje ostalih planova u nadležnosti Upravnog odbora."

## Član 6.

Ova Odluka stupa na snagu danom davanja saglasnosti Skupštine Brčko distrikta BiH.

## Dostavljeno:

- Skupština Brčko distrikta BiH ,
- Oglasna tabla Preduzeća,
- Upravni odbor,
- Direktor,
- Evidencija,
- Arhiva.

PREDSJEDNIK UPRAVNOG ODBORA


